


LA  
HARANGVE  
FAICTE PAR LE ROY  
HENRY TROISIÉSME DE  
France & de Pologne, à l'ouuerture  
de l'assemblée des Trois Estats  
generaux de son Royaume, en sa  
Ville de Bloys, le seiziesme iour  
d'Octobre, 1588.



A PARIS,  
Par Federic Morel Imprimeur  
ordinaire du Roy.

1588.

*Avec privilege de sa Majesté.*

Case

F

39

.326

1588 he2

THE NEWBERRY  
LIBRARY



# LA HARANGVE FAITE

par le Roy Henry III. de France &  
de Pologne, à l'ouuerture de l'assem-  
blee des trois Estats generaux de son  
Royaume en sa ville de Blois, le seiziè-  
me iour d'Octobre, 1588.

**M**ESSIEURS ie commen-  
ceray par vne supplication  
à nostre bõ Dieu, duquel  
partent toutes les bonnes  
& sainctes operations, qu'il luy plaise  
m'assister de son sainct Esprit, me cõ-  
duisant cõme par la main en cest acte  
si celebre, pour m'aquiter de ce que  
i'entreprends aussi dignement, que  
l'œuure est saincte, desiree, attendue,  
& necessaire pour le bien vniuersel



## HARANGVE

de mes subiects.

C'est la restauration de mon Estat par la reformation generale de toutes les parties d'iceluy, que j'ay autant recerchee, & plus, que la cōseruation de ma propre vie. loignez vous donc à ceste tref-instante requeste que ie luy en fais, luy demandant qu'il renforce de plus en plus la constante volonté qu'il a desia enracinee pour ce regard en mon cœur : Et qu'aussi tellement il vous arrache toutes passios particulieres, si quelques vns en auoient, que reiettrāt toute autre party que celuy de vostre Roy, vous n'ayez miré qu'à embrasser l'hōneur de Dieu, la dignité & auctorité de vostre Prince souuerain, & à restaurer vostre patrie, de maniere qu'ils s'en ensuiue vne si loüable & fructueuse resolution, accompagnee de si bons effects, que mon Estat en recouure

son ancienne splendeur. Ce sera vn ouurage digne du rang où ie suis colloqué, & qui tesmoignera vostre capacité & loyauté.

Celuy que i'ay à present inuoqué pour secourir & moy & mon Estat, leql est scrutateur de noz cœurs, peut rendre s'il luy plaist tesmoignage, qu'aussi tost qu'il me constitua pour vous commander, il me vint vn regret incroyable de vos miseres publiques & particulieres, & vn soing qui m'a tousiours augmēté d'y apporter les salutaires remedes, avec vne fin aussi heureuse qu'elle y est plus que necessaire.

Quelle douleur pouuez vous penser qui m'a iusques icy rongé depuis ces dernieres anneés, où l'aage & l'experience m'ont rendu plus capable d'aprehender la desolation, foule, & oppression de mon pauvre peuple,

## HARANGVE

avec ce qu'il sembloit que mon regne estoit reseruë à allumer le iuste courroux de sa diuine Majesté, que ie recognois estre iustement sur noz testes, & pour mes offenses, & pour celles de mes subiects en general.

Le m'efforçois pour ceste cause le plus que ie pouuois d'estouffer la corruption, & le desordre qui y auoient prins vne si violente habitude, & de resister aux maux que ie n'auois pas tous faits, & à quoy de mon seul mouuement fil y auoit du relasche ie l'y apposois. Car ie diray sans me vanter qu'il n'y a eu quasi voye pour reformer la deprauiatiō de mon Estat, dont ie ne me sois souuenu pour essaier de l'establir, si i'eusse esté aussi bien secondé, comme ie l'estois tresbien de vous MADAME, & que la necessité & ma bonne volonté le meritoient.



Mais ie ne puis trop declarer combien ie l'ay tousiours esté de la Royne ma bonne mere: ce qui ne se peut assez dignement représenter, & diray qu'entre tant d'autres & si estroictes obligations dont elle tient tous mes subiects attachez, ils luy en ont vne singuliere, & moy particulièrement, qui avecques vous, en ceste si notable assemblée, luy en rends graces tres-humbles.

C'est qu'elle n'est pas cause seulement, par la grace de Dieu, que ie suis au monde pour vostre Roy: mais par ses continuels & saincts records, loüables actions, & vertueux exemples, m'a tellemēt graué en l'ame vne droite intention à l'auancement de l'honneur de Dieu, propagation de sa sainte Eglise Catholique & Romaine, & reformation de mon estat, que ce

## H A R A N G V E

que i'ay tesmoigné par cy deuant de tendre à toutes choses bonnes, à quoy plus que iamais ie suis resolu, vient d'elle, n'ayant pas plaint ses labeurs, indispositions & incommoditez mesmes de son aage, où elle a reeögneü de pouuoir seruir à cest estat, l'ayant tant de fois cöseruë qu'elle ne doit pas seulement auoir le nō de mere de vostre Roy, mais aussi de Mere de l'Estat & du Royaume.

Or estant mon principal soing & plaisir que de pouuoir restaurer ceste belle Monarchie, & ne iugeant pas les remedes particuliers estre pour ce temps si cöuenables, ie me resolus à la cöuocation de mes Estats Generaux, ausquels comme en toutes choses pour le bië du Royaume, il luy pleust grädemment m'y fortifier.

Incon-

Incontinent que ie recogneus de les pouuoir assembler, ie n'y perdis vne seule heure de temps, quelques diuersitez de mouuemens qui eussent semblé s'y opposer, & avec lesquels parauenture beaucoup estimoient que ie serois tant trauersé, qu'il me les faudroit ou differer ou remettre du tout.

Vous voyez toutesfois si i'ay eu la resolution aussi ferme qu'un bon Roy doit pour le bien general de tous ses subjects: ce qui est tant ancré dans mon ame, que ie ne respire rien plus que la conseruation de l'honneur de mon Dieu & la vostre.

Ceste tenue d'Estats est vn remede pour guarir, avec les bons conseils des subjects, & la sainte resolution du Prince, les maladies que le long espace de temps, & la negligente obseruation des ordon-

## H A R A N G V E

nances du Royaume, y ont laissé prendre pied, & pour r'affermer la legitime autorité du Souuerain, pluſtoſt que de l'eſbranler ou de la diminuer, ainſi qu'aucûs mal-auiſez, ou pleins de mauuaife volôté, deguiſans la verité le voudroyent faire accroire.

Car la bonne loy reſtablie, & bié obſeruee fortifie entieremēt le ſceptre en la main du bon Roy, & luy aſſeure du tout la couronne ſur ſa teſte, cōtre toute ſorte de mauuais deſſeings.

Vous pouuez donques cognoiſtre par ma cōſtance, qui ſeule a reſiſté à infinis empeſchemēs, qu'aucuns n'ont manqué d'oppoſer à ce bon œuure, la ſincerité de mon intention, meſmes puis que la tenue des Eſtats, eſt ce qui rompt autant les mauuais deſſeings des Princes



qui ont l'ame auffi trauerfée, & peu defireufe du bien, que la mienne fera tousiours tresprompte, & du tout difpofée à ne vouloir ny rechercher autre chofe, où ie fois confondu miferablement.

Ie n'ay point de remors de conſciēce des brigues ou menees que i'aye faictes, & ie vous en appelle tous à teſmoings pour m'en faire rougir, comme le meriteroit quiconque auroit vſé d'une fi indigne façō que d'auoir voulu violer l'entiere liberté, tāt de me remonſtrer par les Cayers tout ce qui ſera à propos pour confirmer le ſalut des particulieres Prouinces, & du general de mō Royaume, qu'auffi d'y faire cōuler des Articles plus propres à troubler ceſt Eſtat, qu'à luy procurer ce qui luy eſt vtile.

Puis que i'ay ceſte ſatisfaction en

## H A R A N G V E

moy mesmes, & qu'il ne me peut estre imputé autrement, grauez le en voz esprits, & discernez ce que ie merite d'auec ceux, si tant y en a qui eussent procedé d'autre sorte, & notez que ce qui part de mes intentiós, ne peut estre recogneu, ny attribué par qui que ce soit, pour me vouloir autorizer contre la raison. Car ie suis vostre Roy, donné de Dieu, & suis seul qui le puis veritablemēt & legitimemēt dire. C'est pourquoy, ie ne veux estre en ceste Monarchie, que ce que i'y suis, n'y pouuant souhaitter aussi plus d'hóneur ou plus d'authorité.

Fauorisez donques & ie vous en prie (mes bons subiets) ma droite intention, qui ne téd qu'à faire re-  
luire de plus en plus la gloire de  
Dieu, nostre sainte Religion Catholique, Apostolique & Romaine.

ne, à extirper l'heresie en toutes les Prouinces de ce Royaume, y restablir tout bon ordre & reigle, soulager mon pauvre peuple tant oppressé, & releuer mon auctorité, abaissée iniustemēt, & ie le desire, non pas tāt pour mon interest particulier, comme pour le bien qui vous en redondera à tous.

Entretoutes les sortes de gouverner, & commander aux hommes, la Monarchie excelle les autres : le profit, que vous & les vostres en auez tiré, sous la legitime & douce domination de mes predecesseurs, vous conuie assez à louer sa diuine Majesté de vous y auoir fait naistre, & souz vn, lequel estant de la mesme race, n'a pas seulement herité de la Royauté, mais du mesme & plus grand zele, s'il se peut, à augmēter la gloire de nostre bon

## H A R A N G V E

Dieu , & à vous conseruer tous :  
comme ie vous promects, que mes  
actions le vous confirmeront.

Ce que la malice du temps a en-  
raciné de mal en mes Prouinces ,  
ne me doit estre tant attribué, non  
que ie m'en vueille du tout excu-  
ser, comme à la negligence, & par-  
auéture à aucuns autres defaux, de  
ceux qui par cydeuât m'ont assisté,  
à quoy i'ay desia cōmencé de met-  
tre ordre, ainsi que vous l'auiez veu.  
Mais ie vous asseureray bien, q̄ i'au-  
ray tellement l'œil sur ceux qui me  
seruiront à l'aduenir, que ma con-  
science en sera deschargée , mon  
honneur accru , & mon Estat re-  
stauré au contentement de tous les  
gēs de biē: & forcera ceux, lesquels  
toutesfois, contre la raison, ont mis  
leur affectiō en autre endroit qu'au  
mien, de recognoistre leur erreur.



Les tesmoignages sont assez notoires, & mesmes par aucuns de vous autres qui vous y estes honorez en m'y assistant, auant & depuis que d'estre vostre Roy, de quel zele, & bon pied, i'ay tousiours marché à l'extirpatió de l'heresie, & des heretiques. A quoy i'exposeray plus que iamais ma vie, iusques à vne mort certaine, s'il en est besoing, pour la defense & protection de nostre sainte foy Catholique, Apostolique & Romaine, comme le plus superbe tombeau où ie me pourrois enseuelir, que dans les ruines de l'heresie.

Non seulement les batailles que i'ay gagnées, mais ceste grande armée de Reistres, de laquelle sa diuine bonté m'a choisi à l'honneur de son saint nom, & de son Eglise, pour en rabbattre la gloire, en

## H A R A N G V E

est vne suffisante preuue, de quoy les trophées & despouilles en demeurent à la veuë d'un chacun.

Se trouuera-il dōques des esprits si peu capables de la verité, qui puissent croire que nul soit plus enflammé à vouloir leur totale extirpation, ne s'en estant rendu de plus certains effects que les miens?

Et quand l'honneur de Dieu qui m'est plus cher que ma propre vie, ne me feroit en telle recommandatio, de qui est ce que les heretiques occupent & dissipent le patrimoine, de qui est ce qu'ils espuisent les receptes, de qui allient-ils les subiects, de qui mesprisent-ils l'obeyssance, de qui est-ce qu'ils violent le respect, l'auctorité & la dignité? Et ie ne voudray pour le moins autant que nul autre leur ruine? desillez vos yeux, & iugez  
chacun

chacun de vous quelle apparence  
il y a.

La re-vnion de tous mes subiects  
Catholiques, par le sainct Edict  
que i'ay depuis peu de mois faict,  
l'a assez tesmoigné, & que rien n'a  
eu plus de force en mon ame, que  
de veoir Dieu seul honoré, reueré  
& seruy dans mon Royaume.

Ce que i'eusse continué de mon-  
strer, comme ie le feray tousiours au  
peril de ma vie, sans ceste diuisiõ, qui  
arriua de Catholiques, incroyable ad-  
uâtage au party des heretiques, m'ay-  
ant empesché d'aller en Poictou, où  
ie croy que la bõne fortune ne m'eust  
non plus abandonné, qu'aux autres  
endroits, dont graces à Dieu mon E-  
stat en a tiré le fruit desiré & neces-  
saire.

Encores que vous n'obmettiez,  
comme i'estime, aucun point, qui re-

## H A R A N G V E

garde la restauration & la reformatiō de ce Royaume, si vous tesmoigneray-ie par quelques vns de ceux que ie recognois des principaux, cōbiē ie suis tref-disposé, nō seulemēt par ce que i'en diray maintenant, mais par les effets qui s'en ensuiuront à les embrasser tous, comme ie dois, le iugeāt trefrequis pour la necessité que noz ames, noz honneurs, & cest Estat, en ont.

L'extreme offense que nostre Dieu reçoit iournellement des iuremēs & des blasphemies, qui luy sont si desplaisans, & à moy tant à contrecœur, me faict vous conuier tous de n'oublier en voz Cayers la punitiō du iuste chastiment qu'ils meritent, ce que ie desire sans exceptiō, ny de qualitez ny de personnes.

La recherche & punition de la simonie, ne sera ainsi que doiuent tous



bons Chrestiens aussi oubliee, ny l'ordre requis en la venalite des offices de iudicature, & multiplicite desdicts officiers, estant indigne & trop griefue à mon pauvre peuple, à quoy sans le trouble qui commença en l'annee quatre vingts & cinq, i'y auois de mon propre mouuement mis ordre: l'en attendray de vous les saintes & bonnes ouuertes pour les bien embrasser.

Comme à la distribution & prouision des benefices, offices de iudicature, & des autres honneurs, charges, Estats, dignitez & autres offices de mon Royaume, il va aussi de ce que i'ay le plus cher, qui est de mon ame, de mon honneur, de la conseruation & splendeur de l'Estat, & de la bienueillance de tous mes subiects enuers moy. A fin d'y satisfaire dignement, ie prédray vn temps desormais, dont

## H A R A N G V E

l'ô sera aduertý pour plus meuremēt  
y penſer & les departir, avec autāt de  
cōſideration des merites d'vn cha-  
cun que Dieu m'y oblige: la raiſon  
le veut, ma reputation m'y ad-  
ſtrainct, & le bien que ie veux à  
mon Eſtat. Voulant que cy apres  
chacun tienne de moy ſeul les biēs  
& honneurs qu'ils en receuront, &  
ſy adreſſent, puis qu'ils en vien-  
nent, leur donnāt plus que iamais  
tout facile accez vers moy, ſelon  
que ie regleray mes heures pour  
ceſt effect.

Auſſi ie ſemons tous mes ſubieċts  
de ſe reſoudre à apporter autāt de  
droicture, d'affection, & fidelité,  
aux fonctions, dont ie les ay pour-  
ueuz, ou pouruoyray, qu'il ſera re-  
quis pour la deſcharge de ma con-  
ſcience, & de la leur: à quoy ie ne  
ſuis pas reſolu d'édurer d'oreſena-

uant aucun manquement.

M'adſtraignant par ſermēt d'icy & deſ-ja de ne dōner iamais de reſerues, dequoy que ce ſoit, reuocquant celles qui ont eſté cy deuant obtenuës, les declarant deſormais toutes de nulle valeur, n'entendāt plus y eſtre obligé, comme choſe qui pouuant conuiſſer à vouloir ou pourchaffer la mort d'autrui, eſt trop damnable, & pour moy & pour ceux qui les impetrent.

Ie declare auſſi que ie ne donneray plus de ſuruiuançes, me remettāt pour celles qui ſont accordées, à en faire comme vous m'en conſeillerez.

Il eſt trefneceſſaire de regler les euocations, les graces, remiſſions & abolitions, & que la iuſtice ſoit plus prompte & moins à la charge du peuple, & les crimes ſoient exa-

## H A R A N G V E

ctement punis.

Vous n'oublierez auffi l'enrichiffement des Arts & des Sciences, l'embelliffemēt des villes de mon Royaume, reglemēt du commerce, & de la marchandise, tant de la mer que de la terre, retranchemēt du luxe, & des superfluitez, & taxation des choses, qui font montées à vn pris excessif.

Le rafrefchiffement des anciennes ordonnances, concernans l'auctorité & la dignité du Prince souverain, & la reuerence qui luy est deuë & à ses magistrats, fera embrassé par vous, ainsi que la raison le veut.

La iuste craincte que vous auriez de tomber apres ma mort, fous la domination d'un Roy heretique, fil aduenoit que Dieu nous fortunast tant que de ne me donner li-



gnée, n'est pas plus enracinée dans  
voz cœurs que dans le mien.

Et i'atteste deuant Dieu, que ie  
n'ay pas mō salut plus affecté, que  
i'ay de vous en oster & la craincte,  
& l'effect: c'est pourquoy i'ay fait  
principalement mon sainct Edit  
d'vnion, & pour abolir ceste dam-  
nable heresie, lequel encores que  
ie l'aye iuré tressainctement, & so-  
lennellement, en lieu & deuant ce-  
luy qui apporte toute constance à  
tenir irreuocables les bōs & saincts  
fermés, ie suis d'aduis pour le ren-  
dre plus stable, que nous en faciōs  
vne des Loix fondamentales du  
Royaume, & qu'à ce prochain  
iour le Mardy, en ce mesme lieu &  
en ceste mesme & notable assem-  
blée de tous mes Estats, nous la iu-  
rionstous, à ce que iamais nul n'en  
pretende cause d'ignorance.

## H A R A N G V E

Et à fin que nos saincts desirs ne soyent vains par la faute de moyes, pouruoyez y par les conseils que vous me donnerez, d'un tel ordre que comme le manquement ne viendra point de moy, il ne vienne aussi du peu de prouision que vous y aurez apporté, à ce que les effects de nostre bonne volôté reussissent.

Par mon sainct Edict d'union, toutes autres ligues que sous mon auctorité ne se doiuent souffrir, & quand il n'y seroit assez clairement porté, ny Dieu, ny le deuoir ne le permettent, & sont formellement contraires: car toutes ligues, associations, pratiques, menees, intelligences, leues d'hommes & d'argent, & réception d'iceluy, tant dedans que dehors le Royaume sont actes de Roy, & en toute Monarchie bien ordonnée, crimes de  
leze

leze Majesté, sans la permission du  
souuerain.

Voulant bien de ma propre bou-  
che, tesmoignant ma bonté accou-  
stumée, mettre sous le pied, pour  
ce regard, tout le passé, mais com-  
me ie suis obligé & vous tous, de  
conseruer la dignité Royale, de-  
clarer que ie cōfirme dès à present  
pour l'aduenir (apres que la cōclu-  
sion sera faicte des Loix que i'auray  
arrestées en mes Estats) attaincts &  
conuaincus du mesme crime de le-  
ze Majesté, ceux de mes subiects  
qui ne s'en departiront, ou y trem-  
peront sans mon adueu, en la for-  
me deuë, scellée de mon grād seau.

C'est en quoy ie m'asseure, que  
vous ferez autant reluire vostre fi-  
delité, me conseillant & requerant  
de rafraichir & fortifier ceste belle  
& ancienne loy, enracinee dans le

## H A R A N G V E

cœur des vrayz François qui les defend. Ce qui sera mis par paroles claires, & expresse: le me le dois & à mon Royaume, & vous me le devez, & à l'Estat que vous representez, & ie vous en semonds deuant le Dieu viuant.

Par le passé, le bel ordre & police exactement obserué entre les gens de guerre, apportoit vne admiration, & terreur de nostre nation, & mesmes vne particuliere & honorable gloire à la noblesse Françoisise.

Maintenãt r'acquerõs cest honneur, dont nous auons esté remarquez sur tous autres Royaumes. C'est à quoy ie me veux autãt peiner: faictes en de mesme, à ce que l'ire de Dieu s'appaise, & que noz forces soiët pour conseruer l'Estat, & non pour le destruire, donnant



tant de contentement & de soulagement à mes subiects, qu'ils desirerent autant le gendarme ou l'homme de pied, pour leur hôte, comme ils les craignent, & les ont en horreur avec tresgrande raison.

Il me fasche infiniment, que ie ne puis maintenir ma dignité Royale, & les charges necessaires du Royaume, sans argent. Car c'est ce qui me passionne le moins en mon particulier, que d'en auoir, mais c'est vn mal necessaire : La guerre aussi ne se peut dignement faire sans finâces, & puis que nous sommes en quelque beau chemin d'extirper ceste maudicte heresie, il est besoin de grandes sommes de deniers pour y paruenir, sans lesquels, il ne faut point desguiser la verité, les forces serônt plus à nostre dommage qu'à nostre profit, & toutesfois il ne se peut faire aucû bõ

## H A R A N G V E

exploit sans en auoir.

Ie me promets doncques que de ma part, n'y voulant rien espargner, vous y apporterez aussi par effect, le zeile que vous m'avez tousiours assure porter au seruice de Dieu, & au bié de l'Estat.

C'est pourquoy il faut, vous faisant voir par le menu, le fond de mes finances, que vous ayez la consideration que remōstra le Senat Romain à vn Empereur, lequel comme ie voudrois, desiroit de supprimer tous les subsides, luy disant que c'estoient les nerfs & les muscles, qui contenoient le corps de l'Estat, & lesquels estans ostez, il venoit à se dissoudre & desassembler.

Et toutesfois ie diray que pleust à Dieu, que la necessité de mon Estat ne me contraignist à en auoir, & que ie peusse faire tout d'un coup ce beau

present à mon peuple, & que ma vie s'en abregeast, ne desirât viure qu'autant que ie seray vtile au seruice de Dieu, & à vostre conseruation.

Quant au reste, de l'ordre requis en mes finances, tant pour le soulagement de mon peuple, soit sur le nombre effrené des officiers qui y sont, ou pour les autres particularitez, ie m'asseure que vous y aurez l'esgard necessaire, par les propositions que vous m'en ferez, comme estant l'un des principaux puiots, sur lequel & nous & tout le general de l'Estat sommes en bonne partie appuyez.

Aussi va-il de noz ames de pourueoir aux debtes que ie n'ay pas toutes faictes, & lesquelles estans celles du Royaume, vous en deuez auoir le soing, à quoy la foy publique & la preud'homme oblige les hommes, vous verrez quelles elles sont.

## H A R A N G V E

Le Roy estant le tableau sur lequel les subiects apprennent à se former, c'est pourquoy avec mon inclination naturelle, ie mettray peine d'establi vn tel reiglement en ma personne & en ma maison, qu'ils serviront de patron & d'exemple à tout le reste de mon Royaume.

Or à fin de vous tesmoigner par effect, ce que vous pouuez desirer de moy, & que i'ay tresgraué dans l'ame, pour le regard de ceste celebre assemblée (ayant pris l'entiere resolution sur vos Cayers, que ie vous prie que ce soit au plustost: & avec vos bons aduis & conseils, selon que ie le vous declareray.) Le lendemain en l'Eglise à ce que moy & tous mes subiects la sçachent, & tiennēt pour Loy inuiolable & fondamétale, & que nul n'y puisse contreuenir qu'à sa honte & infamie, & qu'il ne soit déclaré pour



iamais criminel de leze Majesté, & deserteur de sa patrie, ains l'embrasse de tout son pouuoir. Je me veux lier par serment solemnel sur les sainctes Euangiles, & tous les Princes, Seigneurs & Gentilshommes, qui m'assistent en cest office, avec vous les deputes de mes Estats, participans ensemble au bien heureux mystere de nostre redemption, d'observer toutes les choses que i'y auray arrestées, cōme Loix sacrées, sans me reseruer à moy mesmes la licence de m'en departir à l'aduenir, pour quelque cause pretexte ou occasiō que ce soit, selon que ie l'auray arresté pour chasque poinct: Et l'enuoyer aussi tost apres par tous les Parlemens & Bailliages de mon Royaume, pour estre faict le semblable, tāt par les Ecclesiastiques, la Noblesse, que le tiers Estat, avec declaratiō que qui s'y opposera, sera

## H A R A N G V E

attaint & cōuaincu de mesme crime  
de leze Majesté.

Que sil semble qu'en ce faisant,  
ie me soubs-mette trop volontai-  
rement aux Loix dont ie suis l'au-  
theur , & qui me dispensent elles  
mesmes de leur Empire, & que par  
ce moyen ie réde la dignité Royale  
aucunement plus bornée & limi-  
tée que mes predecesseurs : C'est  
enquoy la vraye generosité du bõ  
Prince se cognoist, que de dresser  
ses pensées & ses actions selon la  
bonne Loy , & se bander du tout à  
ne la laisser corrépre. Et me suffira  
de respondre ce que dict ce Roy à  
qui on remonstroit, qu'il laisseroit  
la Royauté moindre à ses succes-  
seurs , qu'il ne l'auoit receuë de ses  
peres , qui est qu'il la leur lairroit  
beaucoup plus durable & plus as-  
seurée.

Pour

Pour finir mon discours , apres auoir vsé de l'auctorité, & du commandement, ie viédray aux exhortations & aux prieres, & vous coniuureray tous par la reuerence que vous deuez à Dieu, qui m'a constitué sur vous , pour représenter son image , par le nom de vrays François, c'est à dire de passionnez amateurs de leur Prince naturel & legitime, par les cédres & la memoire de tant de Roys mes predecesseurs, qui vous ont si doucemét & heureusement gouuernez , par la charité que vous portez à vostre Patrie , par les gaiges & hostages qu'elle a de vostre fidelité , voz femmes , voz enfans & voz fortunes domestiques , que vous embrassiez à bõ escient ceste occasiõ: que vous vaquiez du tout au soín du public , que vous vous vnissiez

## H A R A N G V E

& ralliez avec moy pour combattre les defordres & la corruptiō de cest Estat, par vostre suffisance, par vostre integrité, par vostre diligence, bannissant toutes pensées contraires, & n'y apportant à mon exemple que le seul desir du salut vniuersel, & aussi alienez que moy de tout autre ambitio, que celle de bons subiects, comme ie n'ay que celle de bon Roy.

Si vous en vsez autrement, vous ferez cōblez de maledictions, vous imprimerez vne tache d'infamie perpetuelle à vostre memoire: vous osterez à vostre posterité ce beau tiltre de fidelité hereditaire enuers vostre Roy, qui vous a esté si soigneusement acquis & laissé par voz deuanciers.

Et moy ie prendray à tesmoin le ciel & la terre, i'attesteray la foy de



Dieu & des hommes , qu'il n'aura point tenu à mon soin ny à ma diligence , que les defordres de ce Royaume, n'ayent esté reformez; mais que vous auez abādonné vostre Prince legitime , en vne si digne, si saincte & si louable action.

Et finablement, vous adiourneray à comparoistre au dernier iour deuant le Iuge des Iuges, là où les intentions & les passions se verront à descouuert , là où les masques des artifices & des dissimulations serōt leuez pour receuoir la punition, que vous encourriez de vostre desobeyssance enuers vostre Roy , & de vostre peu de generosité & loyauté enuers son Estat.

Ia Dieu ne plaise que ie le croye, mais plustost que vous vous y gouuernerez, comme ie me le promects de voz preud'hommies, af-

**HARANGVE DV ROY.**  
fection & fidelité , & vous ferez,  
œuvre agreable à Dieu , & à vo-  
stre Roy , vous ferez benis de tout  
le monde , & acquerrez la reputa-  
tion de conseruateurs de vostre  
Patrie.

**FIN.**



# Au Roy.

## I.

**M**ON Dieu quel fleuve d'or s'esroule de vous SIRE?  
Quel breuvage charmeur des hommes & des  
Dieux!

Je croy que vous tirez ce doux Nectar des Cieux,  
La langue d'un mortel ne scauroit si bien dire:

Mais quel graue discours qui les rochers attire  
Pour quitter la darté d'un siecle vicieux,  
Lors qu'en vous surmontant, grand Roy victorieux,  
Vous r'emportez le prix où Puhon mesme aspire!

FRANCE, puis que ton Roy d'un oracle divin  
Recognoissant ton mal s'en rend le medecin,  
Respire maintenant, ô ma France, respire:

Tu peux bien respirer, quand sa diuine ardeur  
T'inspire son haleine, & sa voix, & son cœur,

Un grand cœur pour guerdon rien qu'un cœur ne de-  
sire.



## I I.

**V**OUS estes mon grand ROY, le pourtrait animé  
De ce grand Roy du Ciel, Roy qui par tout com-  
mande,

Et vostre peuple en vous qui l'exemple demande,  
A vos plus saintes meurs veut estre reformé:

Presque l'honneur de Dieu dans le ciel r'enfermé  
Se negligeoit çà bas, par l'impieeté grande  
De nos siècles derniers, si vostre pure offrande  
Le r'appellant du ciel, n'eust noz cœurs r'enflammé.

L'ignorance par vous à ce coup est domtée,  
A vous la Pieté, presque au ciel remontée,  
Pour troisieme couronne à sa palme quittée:

Quel espoir de bon-heur vostre bonté nous donne,  
Puis que sans offenser sa sainte Majesté  
Vostre sujet aspire à semblable couronne?

Vostre tres-humble & tres-fidelle seruiteur & subiect,  
CL. BINET, Lieutenant general en la Seneschauſſee  
& ſiege Preſidial d'Anuergne, eſtably à Riom.



## *Sommaire du Priuilege.*

**P**Ar Priuilege special du Roy donné à Bloys le xxj. iour d'Octobre, signé, par le Roy estât en son Conseil, Habert: & seellé du grand seel dudit Seigneur en cire iaulne sur simple queuë, il est permis à Federic Morel son imprimeur ordinaire, & à Iamet Mettayer, d'imprimer, ou faire imprimer vendre & debiter les ordonnances qui seront par sa Majesté faictes, resolues & arrestées en l'assemblée des Estats generaux tenus à Blois, avecques les harâgues oraisons, remonstrances & Caiers, qui aurôt esté sur ce faicts: sans qu'autres Libraires, & Imprimeurs les puissent imprimer ne faire imprimer, sur les peines y contenues.

1787

1. The first of the year was a  
very cold day, and the wind  
blew from the north. The  
snow was very deep, and  
the roads were very bad.  
The people were very  
suffering from the cold.  
The children were very  
happy to see the snow.  
The old people were very  
suffering from the cold.  
The young people were very  
happy to see the snow.  
The people were very  
suffering from the cold.  
The children were very  
happy to see the snow.  
The old people were very  
suffering from the cold.  
The young people were very  
happy to see the snow.



